



অবিলম্বে প্রকাশের উদ্দেশ্যে: 12/8/2023

গভর্নর ক্যাথি হোকল

গভর্নর হোকল নিউ ইয়র্কবাসীকে রবিবার ও সোমবার প্রবল বৃষ্টি, দমকা হাওয়া এবং তুষারপাতের জন্য প্রস্তুত থাকার আহ্বান জানিয়েছেন

স্টেট জুড়ে মোট বৃষ্টিপাত 1-3 ইঞ্চি এবং বিচ্ছিন্ন, উঁচু অঞ্চলে পাঁচ ইঞ্চি পর্যন্ত বৃষ্টিপাত

ভারী, ভেজা তুষারপাত এবং দমকা হাওয়া সোমবারের ভ্রমণকে প্রভাবিত করতে পারে এবং বিদ্যুৎ বিভ্রাটের কারণ হতে পারে, বিশেষত নর্থ কান্ট্রি, মোহক ভ্যালি, ক্যাপিটাল ডিস্ট্রিক্ট এবং মিড-হাডসন অঞ্চলে

নিউ ইয়র্কবাসীদের প্রভাবিত এলাকায় ভ্রমণের সময় সতর্কতা অবলম্বন করার আহ্বান জানানো হয়েছে, বিশেষত সোমবার সকালের যাতায়াতের সময়

লেক ইফেক্ট তুষারপাত সোমবার লেক ইরি এবং লেক অন্টারিও থেকে প্রত্যাশিত

সর্বশেষ আবহাওয়া সতর্কতা পাওয়ার জন্য NY অ্যালার্টে সাইন আপ করুন

গভর্নর ক্যাথি হোকল আজ নিউ ইয়র্কবাসীকে একটি বড় আবহাওয়া ব্যবস্থার জন্য প্রস্তুত থাকার আহ্বান জানিয়েছেন যা বেশিরভাগ অঞ্চলে বৃষ্টি, দমকা হাওয়া এবং তুষারপাত আনতে পারে বলে পূর্বাভাস দেওয়া হয়েছে। রবিবার গভীর রাত থেকে, মাঝারি থেকে ভারী বৃষ্টিপাত স্টেটের বেশিরভাগ অঞ্চলে 1-3 ইঞ্চি এবং বিচ্ছিন্ন, উঁচু অঞ্চলে পাঁচ ইঞ্চি পর্যন্ত বৃষ্টিপাতের সম্ভাবনা রয়েছে বলে আশা করা হচ্ছে। নর্থ কান্ট্রি, মোহক ভ্যালি, ক্যাপিটাল ডিস্ট্রিক্ট এবং মিড-হাডসন অঞ্চলে উচ্চ পরিমাণে তুষারপাতের সম্ভাবনা থাকায় বৃষ্টিপাত শেষ পর্যন্ত ভারী, ভেজা তুষারে রূপান্তরিত হবে। প্রবল বাতাসের সাথে ভারী, ভেজা তুষারপাতের সংমিশ্রণের ফলে কিছু অঞ্চলে বিপজ্জনক ভ্রমণ এবং বিদ্যুৎ বিভ্রাট হতে পারে। স্টেট ব্যাপী দমকা হাওয়া ডাউনস্টেটে সবচেয়ে শক্তিশালী হবে বলে আশা করা হচ্ছে, বিশেষ করে লং আইল্যান্ডের দক্ষিণ উপকূলে 50 মাইল বেগে দমকা অথবা ঝড়ো হাওয়া বয়ে যেতে পারে বলে ধারণা করা হচ্ছে, যদিও বিচ্ছিন্ন, কিছু জায়গায় আরো শক্তিশালী দমকা অথবা ঝড়ো হাওয়া বয়ে যেতে পারে। নিউ ইয়র্কবাসীদের প্রভাবিত এলাকায় ভ্রমণের সময় অতিরিক্ত সতর্কতা অবলম্বন করা উচিত, বিশেষত সোমবার যাতায়াতের সময়।

"এই সাপ্তাহিক ছুটির দিনে আমরা একটি বড় আবহাওয়া ব্যবস্থা দেখছি যা বৃষ্টি, তুষারপাত এবং দমকা হাওয়া বয়ে আনছে যা বন্যা, বিপজ্জনক ভ্রমণ এবং বিদ্যুৎ বিভ্রাট সহ নিউ ইয়র্কবাসীর জন্য কিছু বিপজ্জনক সমস্যা সৃষ্টি করতে পারে," **গভর্নর হোকল বলেন।** "এই আবহাওয়া রক্ষণাবেক্ষণের জন্য এবং সহায়তার জন্য যেকোনো অনুরোধের জবাব দেওয়ার জন্য প্রস্তুত থাকতে আমি স্টেট সংস্থাগুলোকে নির্দেশ দিয়েছি। আমি সকল নিউ ইয়র্কবাসীকে এখনই প্রস্তুতি নেওয়ার এবং আগামী কয়েক দিনের জন্য পরিকল্পনা করার আহ্বান জানাচ্ছি।"

লেক ইরি এবং অন্টারিও হ্রদের সেন্ট্রাল নিউ ইয়র্ক, পশ্চিম ও দক্ষিণ অ্যাডিরনডাকস এবং ক্যাটস্কিলসে সোমবার তুষারপাতের পূর্বাভাস দেওয়া হয়েছে। ইরি হ্রদের নিকটে, বাফেলোর দক্ষিণের অঞ্চলগুলোতে প্রতি ঘণ্টায় দুই ইঞ্চি পর্যন্ত তুষারপাতের হার এবং এক ফুট পর্যন্ত তুষারপাতের সম্ভাবনা রয়েছে। অন্টারিও হ্রদের নিকটবর্তী অঞ্চলে, প্রতি ঘণ্টায় তিন ইঞ্চি পর্যন্ত তুষারপাতের হার আশা করা হচ্ছে, সম্ভবত সোমবার সন্ধ্যায় যাতায়াতের সময় সিরাকিউজকে প্রভাবিত করবে। নিউ ইয়র্কবাসীদের সাপ্তাহিক ছুটির দিন জুড়ে তাদের অঞ্চলের আবহাওয়া পর্যবেক্ষণ করা উচিত কারণ পূর্বাভাস আগামী কয়েক দিন ধরে বিকশিত হতে থাকবে।

আবহাওয়া সতর্কতা ও পূর্বাভাসের সম্পূর্ণ তালিকা দেখার জন্য ন্যাশনাল ওয়েদার সার্ভিস (National Weather Service) ওয়েবসাইট <https://alerts.weather.gov> পরিদর্শন করুন। নিউ ইয়র্কবাসীদের <https://alert.ny.gov>-এ NY অ্যালার্টে সাবস্ক্রাইব করে জরুরি সতর্কতার জন্য সাইন আপ করতে উৎসাহিত করা হচ্ছে, এটি একটি বিনামূল্যের পরিষেবা যা আপনার সেল ফোন বা কম্পিউটারে অতি গুরুত্বপূর্ণ জরুরি তথ্য প্রদান করে।

এজেন্সির প্রস্তুতি

নিউ ইয়র্ক স্টেট স্বদেশ নিরাপত্তা ও জরুরি সেবা বিভাগ

বিভাগটি সক্রিয়ভাবে আবহাওয়ার পূর্বাভাস পর্যবেক্ষণ করছে এবং আবহাওয়ার ইভেন্টে স্টেটের প্রতিক্রিয়া সমন্বয় করছে। অফিস অব ইমার্জেন্সি ম্যানেজমেন্টের (Office of Emergency Management) কর্মীরা স্থানীয় সহকর্মীদের সঙ্গে যোগাযোগ রক্ষা করছে এবং সহায়তার অনুরোধে সাড়া দেওয়ার ব্যবস্থা করতে প্রস্তুত রয়েছে।

এই ডিভিশন প্রয়োজন হলে স্টেটের মজুদ থেকে নিম্নলিখিত সম্পদ ও আশ্রয়কেন্দ্রের সাপ্লাই মোতায়ন করার জন্য প্রস্তুত রয়েছে:

- 1,515টি জেনারেটর
- 536টি চেইন-স
- 954টি বহনযোগ্য হিটার
- 48,636টি রেডি টু ইট মিল (Meals Ready-To-Eat, MRE)
- 345,432 বোতল এবং ক্যান পানি
- 7,877টি চৌকি
- 8,149টি কঞ্চল
- 11,220টি বালিশ

নিউ ইয়র্ক স্টেট পরিবহন বিভাগ (New York State Department of Transportation)

স্টেট পরিবহন বিভাগ 3,600 জনেরও বেশি সুপারভাইজার এবং অপারেটর লভ্য সহ আসন্ন আবহাওয়া ইভেন্টের জন্য প্রস্তুতি নিচ্ছে। করুণা সক্রিয়ভাবে ঝড়ের পরিস্থিতি পর্যবেক্ষণ করবে, প্রয়োজন অনুযায়ী তুষার ও বরফের সাড়াদান প্রদান করবে, এবং পুরো সময় জুড়ে সম্ভাব্য বিপদের জন্য স্টেট হাইওয়ে সিস্টেমে টহল দেবে।

স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 1,608টি বড় প্লাও ট্রাক
- 335টি লোডার
- 156টি মিডিয়াম ডিউটি প্লাও
- 51টি টো প্লাও
- 37টি স্নো ব্লোয়ার
- 23টি প্লাওসহ পিকআপ ট্রাক
- 19টি গ্রেডার

তাৎক্ষণিক ভ্রমণ তথ্য জানার জন্য মোটর চালকগণ 511 নম্বরে কল করতে পারেন অথবা <https://www.511ny.org> বা মোবাইল সাইট m.511ny.org ভিজিট করতে পারেন, যা নিউ ইয়র্ক স্টেটের সরকারি ট্রাফিক এবং ভ্রমণ সংক্রান্ত তথ্য কেন্দ্র।

থ্রুওয়ে কর্তৃপক্ষ (Thruway Authority)

থ্রুওয়ে কর্তৃপক্ষ 688 জন অপারেটর এবং সুপারভাইজার নিয়ে সাড়াদানের জন্য প্রস্তুত আছে। স্টেটব্যাপী সরঞ্জামের সংখ্যা ও সংস্থানসমূহের তালিকা নিচে দেওয়া হলো:

- 349টি বৃহৎ ও মিডিয়াম ডিউটি প্লাউ ট্রাক
- 11টি টো প্লাও
- 67টি লোডার
- 127,000টনের বেশি লবণ প্রস্তুত

থ্রুওয়েতে মোটরচালকদেরকে শীতকালীন আবহাওয়ার অবস্থা সম্পর্কে সতর্ক করতে বিভিন্ন ধরনের মেসেজ সাইন ও সোশ্যাল মিডিয়া ব্যবহার করা হয়।

থ্রুওয়ে কর্তৃপক্ষ তাদের [মোবাইল অ্যাপ](#) ডাউনলোড করতে গাড়িচালকদেরকে উৎসাহিত করে যা আইফোন ও অ্যান্ড্রয়েড ডিভাইসের জন্য বিনামূল্যে পাওয়া যায়। অ্যাপটি চলার পথে মোটরযান চালকদের রিয়েল-টাইম ট্রাফিক সম্পর্কে তথ্য, লাইভ ট্রাফিক ক্যামেরা, ও দিক-নির্দেশনা সংক্রান্ত সহায়তা প্রদান করে। এছাড়াও থ্রুওয়ে সংলগ্ন যানবাহনের সর্বশেষ অবস্থা সম্পর্কে তথ্যের জন্য গাড়ি চালকরা [ট্রান্সঅ্যালার্ট \(TRANSalert\)](#) ই-মেইলের জন্য সাইন-আপ করতে পারেন এবং X এ [@ThruwayTraffic](#)-কে ফলো করতে পারেন।

নিউ ইয়র্ক স্টেট পাবলিক সার্ভিস ডিপার্টমেন্ট (New York State Department of Public Service)

জনসেবা বিভাগের দ্বারা নিয়ন্ত্রিত ইউটিলিটি কোম্পানিগুলোতে শীতকালীন বিরূপ আবহাওয়ায় মেরামত ও পুনরুদ্ধার কাজে অংশ নেওয়ার জন্য স্টেটব্যাপী আনুমানিক 5,500 কর্মী রয়েছে। DPS-এর কর্মীরা পুরো সময়জুড়ে ইউটিলিটি কার্যক্রমের ট্র্যাক রাখবে এবং সবচেয়ে বেশি প্রভাবিত হওয়া এলাকাগুলোতে ইউটিলিটি কোম্পানিগুলোর যথাযথ কর্মী নিয়োগের বিষয়টি নিশ্চিত করবে। যদি আপনার পরিষেবা বিঘ্নিত হয়, তাহলে পরামর্শের জন্য DPS-এর ইউটিলিটি পরিষেবা বিঘ্নিত হওয়া সম্পর্কিত [ওয়েবসাইট](#) ভিজিট করুন।

নিউ ইয়র্ক স্টেট পুলিশ (New York State Police)

স্টেট পুলিশ (State Police) আবহাওয়ার অবস্থা পর্যবেক্ষণ করছে এবং প্রয়োজন অনুযায়ী অতিরিক্ত ট্রুপার মোতায়েন করতে প্রস্তুত রয়েছে। স্টেট পুলিশের সব চার-চাকার যান এবং বিশেষায়িত যানবাহন অবিলম্বে সাড়াদানের জন্য প্রস্তুত রয়েছে, এবং সকল জরুরি বিদ্যুৎ ও যোগাযোগের সরঞ্জাম পরীক্ষা করা হয়েছে।

নিউ ইয়র্ক স্টেটের পরিবেশ সংরক্ষণ বিভাগ (New York State Department of Environmental Conservation, DEC)

DEC জরুরি অবস্থার ব্যবস্থাপনা কর্মী, পরিবেশ সংরক্ষণ পুলিশ অফিসার, ফরেস্ট রেঞ্জার্স এবং আঞ্চলিক কর্মীরা সতর্ক আছে এবং আবহাওয়ায় পরিস্থিতির পর্যবেক্ষণ করছে। যেকোনো জরুরি সাড়া প্রদানের ক্ষেত্রে সহায়তা করার জন্য লভ্য সব সম্পদ যথাস্থানে নিয়োজিত রয়েছে।

পার্ক, বিনোদন এবং ঐতিহাসিক সংরক্ষণের নিউ ইয়র্ক স্টেট অফিস (New York State Office of Parks, Recreation and Historic Preservation)

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। প্রতিক্রিয়া সরঞ্জাম জ্বালানীকৃত, পরীক্ষিত এবং ঝড় মোকাবেলায় ব্যবহারের জন্য প্রস্তুত করা হচ্ছে। পার্কে গমনকারীদের <https://parks.ny.gov> ওয়েবসাইট চেক করা উচিত অথবা পার্কের সময়, খোলা ও বন্ধের ব্যাপারে সর্বশেষ তথ্যের জন্য তাদের স্থানীয় পার্ক অফিসে কল করা উচিত।

মেট্রোপলিটন ট্রান্সপোর্টেশন অথরিটি (Metropolitan Transportation Authority)

মেট্রোপলিটন ট্রান্সপোর্টেশন অথরিটি (Metropolitan Transportation Authority, MTA) নিরাপদ, নির্ভরযোগ্য সেবা নিশ্চিত করতে নিবিড়ভাবে আবহাওয়ার অবস্থা পর্যবেক্ষণ করছে। MTA কর্মীদের যেকোনো আবহাওয়া সম্পর্কিত সমস্যায় সাড়াদান বা ট্র্যাকের উপর ভেঙ্গে পড়া যেকোনো গাছ সরাতে প্রস্তুত থাকবে।

উচ্চ বাতাসের পূর্বাভাসের কারণে, MTA ব্রিজ এবং টানেলগুলো রবিবার সন্ধ্যা 6:00টা থেকে খালি ট্র্যাক্টর-ট্রেলার এবং ট্যাভেলম (পিগিব্যাক, ডুয়াল, ট্রিপল ইত্যাদি) ট্রাকগুলোতে নমনীয় নিষেধাজ্ঞা কার্যকর করবে। বর্তমান পূর্বাভাস এবং এই আবহাওয়ার ইভেন্টের সামগ্রিক সময়ের

উপর ভিত্তি করে, অনুমান করা হচ্ছে যে সোমবার সকাল 6:00টা পর্যন্ত এই নমনীয় নিষেধাজ্ঞা বলবৎ থাকবে।

নমনীয় নিষেধাজ্ঞার পাশাপাশি ক্রস বে ভেটেরাস মেমোরিয়াল এবং মেরিন পার্কওয়ে সেতুতে পথচারীদের ওয়াকওয়ে এই সময়ের মধ্যে বন্ধ থাকবে। রবার্ট এফ. কেনেডি ও হেনরি হাডসন ব্রিজের পথচারী ওয়াকওয়েগুলো খোলা থাকবে তবে পরিস্থিতি অনুসারে প্রয়োজন হলে বন্ধ হয়ে যাবে।

গ্রাহকদের পরিষেবার সর্বশেষ আপডেট জানতে <https://new.mta.info> চেক করার জন্য, এবং সিস্টেম ব্যবহারের সময়ে সতর্কতা অবলম্বনের জন্য উৎসাহিত করা হচ্ছে। গ্রাহকদের টেক্সট বা ইমেইলের মাধ্যম রিয়েল টাইম সার্ভিস অ্যালার্টের জন্য সাইন আপ করা উচিত। MTA-এর অ্যাপগুলির মাধ্যমেও এই সতর্কতা পাওয়া যায়: MYmta এবং TrainTime।

বন্দর কর্তৃপক্ষ (Port Authority)

বন্দর কর্তৃপক্ষ (Port Authority, PA) তার সকল স্থাপনা জুড়ে আবহাওয়া পরিস্থিতি পর্যবেক্ষণ করে। গুরুতর আবহাওয়ার ক্ষেত্রে, সংস্থাটি প্রয়োজন অনুসারে নিয়মিত ভ্রমণ সতর্কতা এবং আপডেট জারি করে। পোর্ট অথরিটির ফ্যাসিলিটিগুলো সম্পর্কে সর্বশেষ তথ্যের জন্য, অনুগ্রহ করে সোশ্যাল মিডিয়া চেক করুন, [PA অ্যালার্টস](#)-এর জন্য সাইন-আপ করুন অথবা PA মোবাইল অ্যাপগুলির মধ্যে একটি ডাউনলোড করুন, যার মধ্যে [RidePATH](#) অন্তর্ভুক্ত যেটি PATH সার্ভিসের জন্য রিয়েল-টাইম আপডেট ও অ্যালার্ট প্রদান করে।

নিরাপত্তা সংক্রান্ত পরামর্শ

চলাচল:

নিরাপদে গাড়ি চালানোর জন্য কিছু গুরুত্বপূর্ণ পরামর্শের মধ্যে রয়েছে:

- প্রয়োজন না হলে গাড়ি চালাবেন না।
- যদি আপনাকে ভ্রমণ করতেই হয়, আপনার গাড়িতে জীবন-রক্ষাকারী সরঞ্জাম যেমন কশ্বল, বেলচা, ফ্ল্যাশলাইট ও বাড়তি ব্যাটারি, বাড়তি গরম পোশাক, টায়ার চেইনের সেট, ব্যাটারির বুস্টার ক্যাবল, দ্রুত শক্তিদায়ক খাবার এবং বিপদ সংকেত দেয়ার জন্য ব্যবহারের উদ্দেশ্যে উজ্জ্বল রঙের কাপড়ের টুকরা রয়েছে তা নিশ্চিত করুন।
- যদি আপনার ব্যবহারের জন্য অন্যান্য যোগাযোগের ডিভাইস যেমন সেল ফোন অথবা টু-ওয়ে রেডিও থাকে, তাহলে ব্যাটারিতে চার্জ দিয়ে রাখুন এবং ভ্রমণের সময় সেটি আপনার সঙ্গে রাখুন। যদি আপনি হারিয়ে যান, সাহায্যের জন্য কল করে উদ্ধারকারীদেরকে আপনার লোকেশন জানাতে পারবেন।
- শীতকালীন সময়ে মৃত্যু ও আঘাতপ্রাপ্তির শীর্ষ কারণ হলো পরিবহনজনিত দুর্ঘটনা। গাড়িতে চলাচল করার আগে আপনার যানবাহন বরফ ও তুষার থেকে মুক্ত আছে তা নিশ্চিত করে নিন; ভালোভাবে দৃষ্টিগোচর হওয়াটা ভালোভাবে গাড়ি চালানোর মূল চাবিকাঠি। আপনার থামার স্থানগুলো সম্পর্কে পরিকল্পনা করে রাখুন এবং গাড়িগুলোর মধ্যে আরো বেশি দূরত্ব রাখুন। অতিরিক্ত সতর্ক থাকুন এবং মনে রাখবেন যে তুষারকণা

ছোট শিশুদেরকে আড়াল করে দিতে পারে। সবসময় সড়ক ও আবহাওয়ার অবস্থার সঙ্গে আপনার গতির মিল রাখুন।

- সকল সড়কে চলাচলকারী গাড়ি চালকদের জন্য এটি জেনে রাখা গুরুত্বপূর্ণ যে স্নো-প্লাউগুলো ঘণ্টায় 35 মাইল গতিবেগে চলাচল করে, যা বহু ক্ষেত্রেই পোস্ট করা গতিসীমার চেয়ে কম হয়ে থাকে, যাতে ছিটিয়ে দেয়া লবণগুলো ড্রাইভিং লেনের মধ্যেই থাকে এবং সড়কপথের বাইরে ছিটকে না পড়ে। প্রায় ক্ষেত্রেই ইন্টারস্টেট হাইওয়েগুলোতে স্নো-প্লাউগুলো পাশাপাশি অবস্থান করে কাজ করে থাকে, কারণ এতে একাধিক লেন সর্বাধিক কার্যকর ও নিরাপদ উপায়ে পরিষ্কার করা যায়।
- গাড়ি চালক ও পথচারীদেরকেও খেয়াল রাখতে হবে যে স্নো-প্লাউ চালকদের দৃষ্টিগোচরতা সীমিত থাকে, এবং স্নো-প্লাউ এর আকার ও ওজন সেটিকে দ্রুত সরানো ও বন্ধ করা কঠিন করে তুলতে পারে। তুষার-অপসারণ-যন্ত্রের পেছন থেকে বরফ ওড়ানো এর চালকদের দৃষ্টিশক্তি মারাত্মকভাবে হ্রাস করতে বা হোয়াইটআউট অবস্থার কারণ ঘটাতে পারে। গাড়িচালকদের তুষার-অপসারণ-যন্ত্রকে পাশ কাটিয়ে যাওয়ার চেষ্টা করা বা পেছন-পেছন যাওয়া অথবা খুব কাছাকাছি যাওয়া উচিত নয়। গাড়ি চালকদের জন্য গাড়ি চালানোর জন্য সবচেয়ে নিরাপদ জায়গা হলো স্নো-প্লাউ এর বেশ পিছনে যেখানে সড়কপথ পরিষ্কার রয়েছে ও লবণ ছিটানো হয়েছে। কখনো কোনো স্নোপ্লাউ চালু অবস্থায় এটির সামনে দিয়ে অতিক্রম করার চেষ্টা করবেন না।

বিদ্যুৎ বিভ্রাট

- এলাকাভিত্তিক মেরামতের সময়সূচি জানতে আপনার ইউটিলিটির কাছে যাচাই করুন।
- পরিষেবা ফিরে আসার সময় সার্কিট ওভারলোড হওয়া রোধ করতে লাইট ও অ্যাপ্লায়েন্সগুলো বন্ধ রাখুন বা প্লাগ খুলে রাখুন; কখন বিদ্যুৎ ফিরে আসছে তা জানার জন্য একটি বাতি চালু রাখুন।
- যদি শীতকালীন ঝড়ের সময়ে হিটিং চলে যায়, তাহলে আপনার যেসব কক্ষ প্রয়োজন নেই সেগুলো বন্ধ করে দেওয়ার মাধ্যমে উষ্ণতা ধরে রাখুন।
- বিদ্যুৎ বিভ্রাট রিপোর্ট করতে, ফোন করুন:
 - সেন্ট্রাল হাডসন: 800-527-2714
 - কন এডিসন: 800-752-6633
 - ন্যাশনাল গ্রিড: 800-867-5222
 - NYSEG: 800-572-1131
 - O&R: 877-434-4100
 - PSEG-LI: 800-490-0075
 - RG&E: 800-743-1701

হিটিং সংক্রান্ত সতর্কতা

- বিকল্প তাপের জন্য শুধু নিরাপদ উৎস যেমন ফায়ারপ্লেস, ছোট আকারের ভালো ভেন্টযুক্ত কাঠের বা কয়লার চুলা বা পোর্টেবল স্পেস হিটার ব্যবহার করুন।
- বিকল্প তাপের উৎস যেমন ফায়ারপ্লেস, উডস্টোভ, ইত্যাদি ব্যবহার করার সময় সবসময় যথাযথ ভেন্টিলেশন রয়েছে তা নিশ্চিত করুন। সবসময় প্রস্তুতকারকের নির্দেশনা মেনে চলুন।
- পর্দা, তোয়ালে এবং পটহোল্ডারগুলোকে উত্তপ্ত পৃষ্ঠতল থেকে দূরে রাখুন।
- একটি অগ্নি নির্বাপক যন্ত্র এবং স্মোক ডিটেক্টর রাখুন এবং সেগুলো কাজ করছে তা নিশ্চিত করুন।
- যদি আপনি আপনার হিটিং-এর নিয়মিত জ্বালানির সম্পূরক হিসেবে, অথবা জরুরি পরিস্থিতিতে তাপের উৎস হিসেবে কেরোসিন হিটার ব্যবহার করেন, তাহলে নিম্নলিখিত নিরাপত্তা সংক্রান্ত পরামর্শ অনুসরণ করুন:
 - উৎপাদকের নির্দেশনা অনুসরণ কর।
 - আপনার ইউনিটের জন্য শুধু সঠিক জ্বালানি ব্যবহার করুন।
 - শুধু ঘরের বাইরে এবং শুধুমাত্র যখন ইউনিটটি ঠাণ্ডা থাকে তখন পুনরায় জ্বালানি ভর্তি করুন।
 - হিটারকে আসবাবপত্র এবং অন্যান্য দাহ্য বস্তু থেকে কমপক্ষে তিন ফুট দূরে রাখুন।
 - হিটার ব্যবহার করার সময়, আগুন থেকে সুরক্ষার পদক্ষেপসমূহ এবং ভেন্টিলেশন যথাযথভাবে ব্যবহার করুন।

শীতকালীন নিরাপত্তা সংক্রান্ত আরো পরামর্শের জন্য <https://dhSES.ny.gov/safety>-এ যান। নিউ ইয়র্ক স্টেটে ঝড়ের আগে, ঝড় চলাকালীন সময়ে অথবা ঝড়ের পরে অ-জরুরি পরিষেবার প্রয়োজনগুলো পূরণ করতে 211 নম্বরে ফোন করুন অথবা ভিজিট করুন 211nys.orgঠিকানায়।

ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস সম্পর্কে

[ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস \(Division of Homeland Security and Emergency Services, DHSES\)](https://www.dhSES.ny.gov) দুর্যোগ এবং অন্যান্য জরুরি পরিস্থিতি প্রতিরোধ, সুরক্ষা, প্রস্তুতি, সাড়া দেওয়া, পুনরুদ্ধার এবং প্রশমিত করার জন্য নেতৃত্ব, সমন্বয় এবং সহায়তা প্রদান করে। আরো বেশি তথ্যের জন্য ফেসবুকে, ইন্সট্রাগ্রাম এবং X (পূর্বে Twitter হিসেবে পরিচিত) এ @NYS DHSES ফলো করুন অথবা ভিজিট করুন dhSES.ny.gov।

###

আরো সংবাদ এখানে পাওয়া যাবে www.governor.ny.gov
 নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
 গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে

টেক্সট পাঠান

[আনসাবস্কাইব করুন](#)